



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 89. Sessio I. Concilii Florentini Romam translati

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV.
A. C. 1444.

Æn. Sylv.
cap. 5.

de unione, nec de Latinorum foedere amplius cogitabat, minus vero ultra schismati palam sese opponere audebat, veritus, ne Turcæ in suspensionem adducerentur, quod ideo ejusdem Religionis vinculo unitus Latinis accederet, ut Græcos in Amuratis perniciem ad sua studia pertraheret. Quinimo haud erubuit pacem a Sultano poscere, quam ille victoriæ suæ gloria modeste usus, roganti ultro concessit, & inviolabili fide toto vitæ suæ curriculo servavit. In Amuratis enim laudem cedit, quod nequaquam superbiæ, aut crudelitatis vitiis deditus fuerit; quippe parta hac victoria, quæ sane alterius cujusque Herois animum jactantiæ typho inflare potuisset, ipse nequidem hilarem vultum, ut antea affueverat, ostendit: interrogatus vero, quare tristior esset: nollem, respondit, hoc modo sæpius vincere; quapropter neglecto victoriæ cursu ad sua revertebatur, reliquos vitæ dies Adrianopoli, ubi & mortuus est, in pace transacturus.

§. LXXXIX.

Sessio I. Concilii Florentini Romam translata.

Eugenius Papa, qui eo tempore Romæ agebat, summo animi moerore recentem Christiani exercitus cladem percept,

cepit haud ignarus, unico hoc fatali casu Sæcul. XV.
A. C. 1444.
omnem spem, cunctamque operam, quam ad Turcas ex Europæ finibus eliminandos tanto studio impenderat, in irritum cecidisse. Nihilominus tamen benignissimus Deus optimum Patrem novo perfudit gaudio, dum indefessam ejus curam, atque immensos labores, quibus remotissimas quasque Nationes ad Sinum Ecclesiæ, & Apostolicæ Sedis obedientiam reuocare conatus est, prospero juxta ac glorioso successu coronavit. Quippe sub idem tempus Abdala Edessæ Archiepiscopus Romam venit. Hic illinc, ut veræ Religionis Mysteria hauriret, missus erat ab Ignatio Patriarcha Syrorum, cunctarumque gentium, quæ Regionibus Tygrim inter & Euphratem sitas incolebant, necnon Græcorum, atque Eutylianorum erroribus infectæ erant. Postquam igitur ille fidei doctrinam rite edocebatur, Eugenius Florentinam Synodum, quam ad Lateranense Palatium transtulit, Romæ congregavit, & Sessionem, quæ post dictam translationem prima est, die trigesimo Septembris, anno Pontificatus sui quarto decimo habuit.

§. XC.

*Decretum unionis Syrorum cum
Ecclesia Romana.*

In hac igitur Sessione Eugenius evulga-
vit

G 4

*Collect. Conc.
Labbei tom.*

13 p. 1222
& seq.